



*Minggu, 4 Juli 2021*

**Ogen: Pilipi 2:3**



Meteruk Ukur



“Selamat nakku, enggo lulus kam bengket ku pergurun tinggi” postingan enda mbue si idah i bas pertengahan bulan Juni 2021. Postingen enda gambaren keriahen ukur, kebanggan nandangi anak entah pe segelah kalak sideban pe meteh maka anak e pentar, berhasil ras sidebanna. I bas sisi sideban jarang denga postingan mereken semangat man anak si langa lulus. Sumpamana “kegagalan itu, keberhasilan yang tertunda, teruslah berjuang walau saat ini belum berhasil mencapai apa yang kamu cita-citakan.” Tempa-tempa e ngatakenca maka anak si langga lulus e anak si la pentar, la beluh, la ibanggaken ras sidebanna. Renungenta si oge mabai kita bagi persinget Paulus nandangi perpulungen Pilipi eme “meteruk ukur.” Meteruh ukur petembil kal ras meganjang ukur, dengen lit pengakap maka ulin kita asangkan kalak sideban. Paulus ngajuk perpulungen bagi Jesus reh ku doni enda alu dem kiniteruken ukur. Aminna pe IA anak Dibata simeganjang tapi la ipejangjangNa sie. Kiniteruken ukur e icidahkenna arah ngitna ia nusur ku doni si meteruk jadi seri ras manusia. Si luar biasana kiniteruken ukurna e maba kedamen dengen keselamatan man manusia. Enda nuriken maka mbelin kal ngaruh kiniteruken ukur. Bunda Teresa ngataken maka “kerendahan hati adalah ibu dari semua sifat yang baik. Dengan kerendahan hati; kasih kita menjadi nyata. Kerendahan hati adalah sikap yang terdamai yang memiliki makna dan dampak yang luar biasa”. Tetap si gejapken e perkuah ate Dibata dengen ngajarken kerna erkemalangen man Tuhan; kune anak langga lulus labo ngatakenca ia motu tapi lebih jemba ia segelah tetap semangat maka lit denga peluang-peluang si mehuli isikapken Dibata.

☞ *Tetaplah meteruk ukurta*